


中華郵務局特准掛號立券之報紙
每星期六日發行

民國十六年

二月十二日

第壹卷
第肆拾貳號

甲寅



THE TIGER

VOL. I NO. 42 FEBRUARY 12 1927

●本社啓事十一

本刊在舊歷年關、例停刊兩星期、今以原已積閣一期、便於核實起見、共停三星期、從二月十二日起、依例按期出版、讀者諒之

●本社啓事十二

本刊以訂閱寄贈之紛紜、舊冊新戶之出入、寄報恒有複闕不
等之患、復者屢承體卹、將報寄轉、以便流通、甚深感激、闕者得
知即補、並希鑒原、

●本社啓事十三

本刊收到函件、日以百數十封計、編者分別可登與否、全以本
社宗旨爲衡、割愛漏登、勢所難免、原稿退還、尤難辦到、希諒、又
偶有以登出爲不然者、本刊言論公開、視凡達編輯部之文字、
皆可與天下共見、後涉私言、幸勿見示、

●本社啓事十四

本刊三十五期以前存報、仍遵舊例每冊銀一角、如須洋裝
合訂、別加訂費一元、並非存報合售一元、頗承見詢、再用聲明、

◀ 新 國 家 雜 誌 第 二 期 目 錄 ▶

論 著

贊成民主國家主義的理由

大 荒

新國家應採集權制之我見

王樂三

不平等條約與慣例概論

王世鼎

新國家應採用之代議制度

徐敬五

德意志的政黨和最近政治

浩 徐

國家主義與非國家主義之區別安在

常燕生

中國教育與政治的今昔觀

湯茂如

國家主義之自然史

劉 莊

民主國家主義與教育

劉仁甫

講 演

世界經濟制度改革之潮流

胡石青

雜 俎

遊希拉日記

石 青

江山共助樓雜記

性 荃

蘭樓近作

王世鼎

專 件

法權報告書

甲寅周刊第一卷第四十二期目錄

時評

七則

論吳淞政治大學

章士釗

陳蘭甫先生公孫龍子注後題

章士釗

籀亂

彭粹中

通訊

忠言

吳其昌

農國

董時進

誠與識

張元羣

烟士披里純

徐志摩

便佳簪雜鈔

沈宗畸

約翰大學

王德鈞

讀甲寅難

錢履周

太炎集外文

庚子拳變與粵督書

章炳麟

詩錄

章氏墨學

孤桐雜記

本邦慣習。仍重夏時。故舊歷年關之珍要。視新歷不啻百倍。業新聞者。以工人休業之故。日報至停刊五六日一週不等。國聞週刊。且延兩期。本刊又進一步而三期焉。此由京以遲。故職是故也。但報端送舊迎新之詞。曩於新且揭過。無重出理。如勉為應景之紀載。則北人俗重糖菓。若年終無能辦者。乃是寒門下品。人且不齒。獨今年不然。聞京中關東糖商。售數不過往歲之半。是寒賤轉為社會通相。可知滿城災官。得薪無過數成。少慰號寒啼饑之妻子。且不足。違言娛樂。月正二日。中央公園門前。凍殭七人。道殣。皚皚與雪相映。而城中搶案。蠶起白晝。鬧市且復為之時見。少婦奔向街中。呼賊。綜之北方蕭條氣象。近年罕有不審歲下。負何太歲凶破。如此。

安格聯代赫德為總稅務司。且二十年。名為客卿。實則握中國財政無上之權。凡長財用者。類察其動息。以為籌策。敢迂之者莫不敗。前歲賀得霖以債券之議。為安所格。蓄意假國民軍之力傾之。而英使麻克。

類。晒。於。旁。卒。乃。安。得。無。恙。賀。先。去。職。此。次。北。府。擬。由。海。關。逕。收。二。五。附。稅。安。未。解。孟。氏。彼。此。各。一。時。之。訓。以。南。府。將。逕。派。黨。軍。所。轄。各。地。稅。務。司。相。怵。仍。抗。不。受。命。顧。閣。大。懟。突。於。一。月。三。十。一。日。明。令。罷。安。以。易。執。士。者。代。之。此。後。荆。棘。如。何。雖。未。可。知。而。北。府。必。求。貫。澈。其。志。似。是。一。定。夫。安。格。聯。委。贊。本。邦。名。分。早。定。偶。爾。罷。官。原。無。足。奇。所。奇。者。北。府。欲。爲。而。屢。不。得。爲。之。事。今。竟。於。黨。軍。驟。興。外。勢。丕。變。之。頃。一。舉。成。之。又。安。之。梗。令。無。間。地。域。而。得。透。迤。於。南。先。不。見。宥。於。北。是。已。或。曰。外。交。之。事。南。北。理。宜。一。致。昔。楚。王。射。蛟。而。喪。其。弓。左。右。請。求。之。王。曰。止。楚。王。遺。弓。楚。人。得。之。又。何。求。乎。仲。尼。聞。之。曰。亦。曰。人。亡。弓。人。得。之。而。已。何。必。楚。唯。今。安。氏。之。事。正。復。相。類。右。史。記。事。亦。曰。某。年。月。日。中。國。政。府。免。客。卿。某。而。已。何。必。南。北。

惟此案有可論者。安氏在職年間。所事實質如何。殊難以無端壓之詞爲判。且其盡力於維持海關行政統一。及保管內外債基金。使不輕生動搖。功亦章章。

在人耳目。即以今茲不受命一事言之。亦未始非由忠於職事之精神。激之使然。故安之被免。爲行政系統計。有快之者。而一瞻生計社會之前路。憂之者。亦未始無人。故免安之爲巧。爲拙。爲得。爲喪。不啻繩之於過。現而當求之於未來。蓋今後南北政府如何合力。訓令易氏整飭關政。以期逐步前邁。卒達於關稅自主之廣達通海實爲今閣署免狀者之最大責任。此國人所當常目在之者也。至內外債基金似當分別言之。未便並爲一談。以此之保管。由歷任政府乘便託之安氏個人。並非總稅務司分內固有之職。整理案內諸債。雖得以基金握諸外人之手。稍全信用。而案外如九六者。因安氏結託京滬投機家上下。其手致商盤陡起。陡落破產之案層出無已。其咎亦雅非尋常。且內國銀團信用日著。以基金之任移之焉。見不勝故。安氏既已免矣。公債一事。宜蒼頭特起。爲之不可。因仍失策。橫蹈曩弊。浮慕客卿之名。動招奇貨之損國之計。士其謂何如。

一月二十八日。英使藍博森突訪外長顧維鈞。面致提案七事。精神與前番英代辦所提無二。而辦法較為具體。請得述之如下。一、英國政府擬認中國新法院受理英方原告訴訟之權。至英國陪審員列席觀審之權。並願放棄。二、英國政府擬認中國合理國籍法之有效。三、英國政府於中國新民法商法除訴訟暨關分於個人身及正式制定之附則。在中國各地方公布及實施時。擬就實際上所能行者。盡量施行於駐華英國法院。四、凡中國國民所納。而於英人英貨并無歧視之正當稅捐。英國政府擬令在華英民一體繳納。五、英國政府俟修正之中國刑法公布及施行時。擬取而行之於駐華英國法院。六、英國政府擬照各埠特殊情形。討議英國租界內市政管理之改革。以便與中國在舊租界內之特別管理相符。或與現在中國管轄下之舊租界合併。或將租界內之警察權交與中國官吏。七、英國政府擬認英國教士不在內地購地之原則。中國信徒應受中國政府之制裁。不再依據條約而求保護。凡教士所立之學堂醫院。應

守中國施於相類堂院之法令。

由右觀之。殆撤消領事裁判權及退回租界之先聲也。英國輿論競以豁達公正有建設性遠大等詞稱之。亦非盡誣。雖然此若於漢案未起或更於法權會議未散時以自動之意提之不愈見其泱泱大國之風哉。而今猶且爲之非善於忍耐慣於調和之盎格魯撒遜民族亦不易有此此在原則上吾國人民不以懇款不欺之度承之自待將失之卑至由是而即持之以樂觀期之於至善則猶未也蓋如其表推之英國政府今擬認之者明明前日之所不認者也今擬不爲者明明前日之所大爲而特爲者也今日之擬認是則前日之不認非今日之不爲是則前日之不爲也亦非英人是非之心何其貿貿焉無據定哉此無他亦新形式迫之使認使不爲而已謂心悅而服焉似猶早也揣英人對華之最棘手處不在本國兵力足否亦不在吾國情感奚若而外之在國際步調之不一內之在本邦取態之不齊一之齊之非先

示。吾國以大讓步使安厥心旋利吾南北之不和。民情之過抗使該案高低莫就因坐吾以不誠之罪而激起國內外之反動。其的難達古諺有云將飛者翼伏將奮者足踞將噬者爪縮今日之英國正其故故翼伏足踞爪縮之秋也觀其一面提出新開紀元之議一面續續增兵不已自印度新嘉坡中經香港上海以達長江之中心兵連數千里如蛇擊首而尾應有以知彼將飛將奮將噬之志必且驟發而不可遏束帶之士其亦慎爲因付可已。

河南之局至關天下安危聞奉天所定安國計劃及即否實任天下之重將以豫事處理難易爲之關目現關東援吳之師雲集河北投鞭可渡惟據豫客所談全豫吳部此僅以名義論中號三十萬雖失之誇然有槍者十五萬亦殊近實奉軍入豫數不過三之一倘若張吳失調奉方不得已而力爭中原即幸而勝亦終於信陽之門洞開徒與黨軍北進無上之機恐是下策云云說之有理一覽知之報言張吳契合

之度頗稱浹洽商略軍機之電時見揭載果是真意豈非大局之幸然一方不願退一方獨出冠時之策又難現實以誼而言協恭爲要由情論之正靡其反如此術用相違首尾不相應此二語君子蓋難言之

南方施行黨治激揚民氣有兩大弱點深識之士夙爲長慮者日見章顯蓋且彌章何也政府提高工民之金錢慾爲第一步至第二步政府本身無法得屢其慾時且反噬無擇此其一革命軍慾爲破壞往往意先於令人民從其意也久後且並令而亦不從此其二前者見於粵漢路工人索雙餉不遂黨軍財政部長宋子文且被毆辱間不容髮後者見於湖南民衆囂張凡焚毀教堂脅抽稅捐號稱打倒劣紳士嗾恣意尋仇幾無一不梗政府之令行之近且聞市民大會一日決數十百人法國山岳黨式之虐殺方始省政府代主席張翼鵬力主嚴辦尙未得當篤而論之此是必然之理可以前知大抵勇於改革者流故衡 necessary evils 而行南府宜其然乎

論吳淞政治大學

章士釗

吳淞政治大學者。寶山張君君勛嘉森所爲明政勵學都講之所也。愚曩於上海新聞報。著人學一首張之前歲。愚爲教部。君勛手學綱來。求立案。愚曰。恣君勸言之。天下信君勛能董是役。宜不使刀筆之吏。困以文墨。未逾月。君勛盡得所請而去。今是校立已三年矣。君勛近發紀念刊。手草各國政治大學小史一文。昭其旨趣。粲然心得之言。於所爲何事四字。自信良篤。毫無假藉。入民國。來吾見官稱事立人稱官。置二語見宋書周朗傳。英語所謂 right man in the right place如君勛之例者。殆絕罕觀也。

雖然。愚猶有說。

今世以政治大學名者。凡四。而吳淞居其一。蓋千八百七十年。法敗於普。羣以謂法人昧於外情所致。戴恩者大家也。於國際文學藝術有重名。逶迤壇坫。言如大鼎。其徒曰蒲特密。F. Boutmy 欲廣其涂術於政治。則相與勸立政校於巴黎之威廉街。蒲氏自爲校長。至二十六年之久。未一去職。卽所謂 Ecole Libre

des Sciences politique 是也。其次則英。英有文士數輩。探索社會主義。共立名字曰肥賓會。Fabian Society。肥賓者古羅馬將軍名。所持戰術。在力足後動。不主倖勝。會中有取於是。凡爲砭治激派而發也。則有哈京生者。頗雄於貲。此會度支。既從取辦。死後更以遺產建爲一校。名宿如槐伯。蕭伯訥者流。並綜持經理。教授之任。英倫學曆。斯爲一新。昔者大校常課無過柏拉圖。雅理士多。郝伯思。邊沁等。故書雅記。逾此所不敢妄議。今臨然反之。如紐西蘭之罷工。美國託辣斯之立法。世界都言之市政管理。皆師弟子堂堂講論之資。耳目既易。意興颺舉。所稱 London School of Economics and Political Science 遂乃蒸蒸日上。又其次則德。德人之政治手腕。夙後英人。其故則右輩所持政見。不基於實而基於理。如保守黨今之志口性黨之所自出。則保守主義也。自由黨今之人則自由主義也。社會民主黨。則社會革命之理論也。英人不然。

其所爭者爲穀律。爲關稅。爲地稅。而從不涉及一整
然難劃之原則。英德政爭之象不同。以此。且歐戰以
前。政黨殆無柄國之能性。所號大宰相。亦元首之私
赫而已。於黨派無關也。各黨既絕意政務。於是議壇
諸論。止於不負責任之空談。凡抨擊政府。亦利其黨
義可得傳。而無取而代之以之覺念。如此顛預。政何由
進。又德政府所料外交情事之不實。尤足駭人。歐戰
乍起。德人曰。英國必不爲比利時中立而戰也。潛航
艇之難生。德人又曰。美國必不因是而自投也。卒皆
大反所期。德以大敗。民主黨領袖羅敷曼。新憲法起
草者柏呂斯。綜上各義。熟講其義曰。此由無政治專
校豫講習焉。故而 Deutsche Hochschule für Politik 遂
於千九百二十年巍然立矣。又其次則吳淞。事實見
在。無待枚數。據君勛之所宣示。志在提高政治人格。
確立民主政治。某點做法巴黎。某點做法倫敦。某點
做法柏林。而尤兢兢以肥賓外黨派而研政理爲宗
盟。由是四校也者。方軌政域。連鑣藝苑。信乎當世。政
治。是非得失之林。舉莫能外也已。爲中事述悉

惟愚於此。有欲致詰。則三校起於歐洲。一校起於本
邦。而政之云者。固通古今中外。無有常家。惟時之適
者也。歐洲有政。本邦即焉。得曰。無政。吾大道之行。三
代之英。彼三校者。懵無知焉。不審所由。弦誦而講習
之。以彼種性不同。而吾適乏堅甲利兵。以揚厥幟。吾
無責耳矣。而君勛固赫然黃帝之子孫也。以黃帝子
孫。而爲黃帝子孫。建學論政。通典通考。之不知綱目。
別史之。不立凡吾古先哲王化民成俗之道。歷代賢
儒正名辨物之故。汎掃不問。而徒曰。巴黎如何。吾宗
而仰之。倫敦柏林如何。吾宗而仰之。數人之典。而忘
已之祖。政也。體規而畫圓。治也。準方以作矩。是亦如
宋祁所譏。屋下作屋。終爲人之臣僕而已。以今世政
趨日卽下。流盧孟復生。舉未易善。其後亦何貴於吳
淞。多成一聚也哉。愚爲此言。固非謂歐政吾悉不當
學也。亦非謂復古宜爲不易之前提也。特吾於擊習
歐之餘。而視系統全異。有四千年文化史迹。吾祖
先所歌哭。長養以迄於今者。爲略無參檢比論之值
夫貴人賤己。不知有史。如是不幾與猩猩初擬爲人。

者。名。級。相。等。哉。曩。君。勸。居。柏。林。哲。家。倭。鏗。約。共。草。中。外。倫。理。一。書。君。勸。倉。卒。無。以。應。勉。雜。鈔。韓。非。子。及。蔡。子。民。所。爲。倫。理。史。以。進。大。爲。德。儒。所。駁。斥。此。有。兩。義。君。勸。宜。勿。去。懷。一。中。國。治。迹。世。界。學。者。所。樂。探。討。其。因。安。在。二。君。勸。不。應。時。時。無。備。尤。不。應。使。氣。類。與。共。之。人。俱。無。備。然。君。勸。胡。以。健。忘。乃。爾。哉。昔。倫。敦。大。學。耑。研。柏。拉。圖。雅。里。士。多。德。郝。伯。思。邊。沁。諸。書。而。君。勸。陋。之。然。若。該。校。盡。廢。諸。書。不。講。君。勸。當。作。何。感。此。爲。人。謀。甚。聰。何。乃。爲。己。則。贖。哉。民。治。云。者。歐。洲。垂。數。之。制。也。今。後。世。界。改。造。宜。出。何。途。尤。其。吾。國。固。有。別。流。等。大。之。源。泉。者。及。時。避。就。應。遵。何。道。皆。爲。政。問。中。特。殊。項。目。而。君。勸。先。以。民。治。牢。固。不。拔。及。合。於。人。類。理。性。等。語。頑。然。主。之。使。異。葩。末。由。同。跼。而。共。榮。將。槐。伯。不。尙。已。見。皈。依。學。理。爲。君。勸。心。悅。誠。服。者。之。謂。何。哉。夫。天。下。理。與。實。固。非。同。物。君。勸。亦。常。以。德。人。重。理。不。

重。實。爲。未。然。吾。黃。其。種。亞。洲。其。地。農。其。習。禮。讓。家。國。其。教。此。實。也。而。君。勸。文。中。圖。法。歐。西。所。條。而。列。之。者。則。俱。浮。而。無。根。之。理。獨。奈。何。聽。其。以。彼。間。此。哉。且。人。有。病。或。在。皮。膚。或。在。腠。理。至。靡。定。也。凡。藥。無。貴。當。於。病。爲。貴。法。德。外。交。情。實。之。有。疑。滯。因。設。專。門。之。科。以。明。之。此。病。在。皮。膚。者。也。而。吾。十。六。年。間。所。患。適。得。其。反。則。吾。稷。下。所。談。白。虎。所。論。於。多。連。博。貫。之。餘。宜。別。有。批。郤。導。竅。之。法。而。迺。渾。以。同。之。見。影。而。逐。無。已。是。何。異。內。熱。之。人。不。加。疏。導。聞。人。以。昌。羊。引。年。卽。妄。進。豨。苓。以。自。賊。哉。肥。賓。者。以。廣。搆。戶。牖。衆。藝。難。進。見。稱。而。君。勸。談。政。日。趨。單。調。如。愚。之。好。起。疑。義。宜。可。別。備。一。格。使。得。極。論。以。明。其。歸。則。儻。願。自。進。於。吳。淞。請。專。一。席。君。勸。願。不。錄。哉。凡。此。諸。問。俱。一。一。應。念。而。至。欲。得。君。勸。詳。爲。董。理。使。天。下。灼。知。吳。淞。宗。風。所。在。因。條。舉。於。右。

陳蘭甫先生公孫龍子注後題

章士釗

民國九年。愚在廣州盛季榮所。瞥見陳蘭甫先生公

孫龍子注鈔本。盛君客士也。誇愚以厚藏。而不見許

得讀一過。錄副更無論也。愚甚恨之。未幾盛君化去。愚慮此書終且佚去。則廣中人究問。譚組安曾偵得底本在某所。令其弟大武告愚母。愚後來京師。言於先生之孫公穆。名慶和謂此書不卒刊出。是爲子孫者之大罪。公穆唯唯。乃昨二月三日。郵者忽將公穆巨函至。苦求數年不得之公孫龍子注。赫然在。慕地之喜。蓋莫名也。然反覆讀之。又大失望。蓋書無過二十六頁之小冊子。乙丑閏四月刊於廣州。有署兆鏞者。別加按語。且徵及孫詒讓札。迄及近人顧實漢藝文志。講疏諸說。書之首尾。部署已非原本。兆鏞亦不知何人。先生所註。詞多繚繞。殊不見精要。一於龍書本旨。無所開發。以此求在謝希深舊註外。別樹一幟。憂憂其難持較。墨子問。話中先生所參各義。光氣嶽。

籀亂

今之論世者。往往辨析纖縷。而昧於嵩華之巍洞。窺罅隙而忽於江海之廣闊。里空虛。人民憔悴。可謂亟矣。未聞有言者。而堅白同異。無益於治。則以。

嶽者亦甚不類。嘻。異矣。豈此固未爲原本耶。抑錄之未全。中經妄人竄易耶。愚曩在盛宅。未獲流覽。無從比判。是誠驟未易明之疑案也已。愚嘗謂治龍書者。有朗朗數義。不可不明。一、龍在名家之地位。何似。二、名墨之連誼。如何。三、白馬論。緣何而起。四、白馬指物。是否同爲一義。馬指也。白馬指也。五、他辨兩明等詞。俱爲書中最要術語。指要奚若。而先生今所爲注。一一未見指南。且於辨正句讀。是非正負之間。猶若惛恍相伐。是何故耶。先生治學規律。夙嚴。立說往往過於嚴悍。如此望文生義。泛泛之作。雅非吾徒景仰先生者。心目中之所有意者。先生固非著書隨意簽注數條。以備遺忘。學者從而輯之。號專著耶。世之善讀先生之書者。幸有以語我來。二月四日稿

彭粹中

爲尙焉。紀綱廢弛。禮教淪夷。可謂大矣。未聞有憂者而巧文飾度。無裨於政。則以爲貴焉。學士大夫。不求其易務。求難以名高。不好其因務好革。以趨。

異。推。而。至。於。極。文。身。裸。體。之。俗。皆。知。其。鄙。矣。以。其。異。也。不。惜。壞。文。繡。裂。冠。裳。以。從。焉。茹。毛。飲。血。之。化。皆。知。其。簡。矣。以。其。高。也。不。惜。墮。釜。鬲。絕。烹。飪。以。學。焉。述。中。庸。之。言。則。嗤。而。陋。之。拾。誕。怪。之。說。則。肅。而。敬。之。此。所。以。學。逾。興。而。俗。益。弊。說。逾。倡。而。世。益。亂。也。作。籀。亂。

國。家。十。六。年。來。政。不。出。於。國。門。事。專。制。於。藩。鎮。居。其。位。者。類。皆。崛。起。行。間。肆。意。快。志。無。所。顧。忌。其。意。曰。吾。之。得。躋。於。是。非。偶。然。也。吾。何。爲。是。戚。戚。將。以。求。吾。所。大。欲。耳。犬。馬。之。好。聲。色。之。美。珠。玉。文。犀。之。貨。利。吾。心。慕。焉。未。嘗。有。其。樂。也。必。一。一。致。之。惟。力。是。視。其。用。心。如。此。故。其。左。右。之。親。亦。曰。吾。之。從。事。於。此。爲。多。得。財。耳。舉。可。以。得。財。之。術。皆。吾。所。願。聞。雖。賸。削。之。酷。弗。顧。也。舉。可。以。爲。吾。得。財。之。人。皆。吾。所。願。親。雖。賊。猾。之。豪。弗。顧。也。其。左。右。之。親。用。心。如。此。故。其。官。吏。執。事。亦。曰。人。孰。不。好。富。貴。而。惡。貧。賤。今。吾。奉。法。守。公。則。不。得。於。其。上。不。得。於。其。上。則。官。不。可。保。是。取。貧。賤。之。道。也。吾。何。拘。以。自。苦。耶。苟。吾。枉。法。徇。私。則。得。於。其。上。得。於。其。

上。則。官。可。益。達。是。取。富。貴。之。道。也。吾。又。何。忌。而。不。爲。耶。其。官。吏。執。事。用。心。如。此。故。其。鄉。里。縉。紳。先。生。亦。曰。吾。之。居。是。鄉。也。以。官。吏。執。事。之。信。吾。重。吾。也。今。吾。守。正。不。阿。則。官。吏。執。事。必。疎。遠。之。甚。且。置。諸。法。苟。與。之。上。下。其。手。則。官。吏。執。事。必。加。信。重。而。吾。望。益。隆。吾。何。爲。舍。富。貴。以。觸。刑。罰。不。旣。償。耶。其。縉。紳。先。生。用。心。如。此。故。其。畎。畝。之。黠。民。亦。曰。吾。縉。紳。先。生。固。若。是。也。吾。何。懼。焉。吾。智。足。以。詭。得。力。足。以。巧。奪。吾。食。可。飽。矣。衣。可。溫。矣。家。人。婦。子。可。宴。樂。無。憂。矣。吾。何。懼。焉。故。上。自。藩。鎮。下。至。庶。民。莫。不。惟。利。是。圖。此。就。其。勢。可。得。者。言。之。皆。如。此。也。

其。勢。不。足。以。得。者。則。又。疾。首。痛。恨。於。私。家。之。居。奔。走。號。呼。於。鄰。里。之。黨。其。愚。而。懦。者。則。曰。吾。聞。執。鞭。而。富。者。矣。吾。其。執。鞭。乎。又。聞。舐。痔。而。富。者。矣。吾。其。舐。痔。乎。有。優。而。富。者。矣。有。隸。而。富。者。矣。有。胥。而。富。者。矣。有。越。貨。而。富。者。矣。吾。其。優。隸。胥。越。貨。乎。其。智。而。強。者。則。曰。藩。鎮。猶。人。也。吾。猶。人。也。彼。可。取。而。代。耳。吾。何。畏。彼。哉。吾。將。大。吾。聲。使。天。下。聞。之。高。吾。驅。使。天。下。見。之。

然後天下之去彼而從吾者衆矣。吾何畏彼哉。其不學而頑者。則曰。藩鎮之所急。珠玉貨利。犬馬聲色也。吾術皆足以致之。使彼信吾而益親厚吾。而益愛吾。何憂哉。吾之術。將殘民以爲利耶。弗問也。將胥削民以爲利耶。弗問也。吾惟急其所急。逢其歡心而已矣。其學而賢者。則曰。枉道以求富。吾不爲也。苟取以求富。吾不爲也。汚辱阿媚以求富。吾不爲也。突慢暴亂以求富。吾不爲也。逢惡助奸以求富。吾不爲也。舉世之可以求富之術。而非吾心之所好。吾皆不爲也。吾將勉吾行。高出於世之上。勵吾言。迥異於人之心。吾行偏耶。不可爲世法。非吾所知也。然世必有喜而從之者矣。吾言激耶。不可爲世用。非吾所知也。然世必有悅而信之者矣。吾非求富也。亦往往而富。吾非得財也。又未必無財。故自其愚而懦者。以至於學而賢。

通

訊

者其勢不足而用心積慮又皆如此也。則民心安得不日益壞。習俗安得不日益偷乎。且天地生物有限。而人慾無窮也。以有限濟無窮。豈乎殆已。今有人於此。擁千萬之資。是其破千金之產者。萬人矣。彼萬人者。失其千金勢不能無怨。而不得則爭。爭則亂矣。又有人於此。擁百萬之資。彼見其千萬之益富也。勢又不能無欲。欲而不得則爭。爭則亂矣。彼擁千萬之資者。其心亦未嘗足也。使又有千萬者在。其前又必起而相并。并之不得則爭。爭則亂矣。故國家十六年來禍亂相仍。迄無寧歲。蓋其千萬者相并兼也。不然則其百萬者求益也。又不然則其失千金之產者合而謀復也。此今日之局大抵皆然而狡者猶囂囂於衆曰。吾爲國也。吾爲民也。吾將除暴虐以安閭閻也。嗚呼。傷已。

忠言

……其昌之欲有言於先生者久矣。其昌之友若唐立庵、蘭汪衣雲、吟龍皆與先生相稔。然當時先生綜攬天下教權。貴職也。而其昌一成均下士。古之人布衣無故。則不通書於顯達之門。處茲叔世。吾人守身尤不可以不謹。故雖欲有所進言。卒以懼清議而止。今先生已入江湖。下林泉。與其昌同爲一草莽之野人。是未可以言乎。區區私悃之所望於甲寅者。願其爲董狐之直。簡南史之信。識孫盛之陽秋。所南之心史。而不願其爲筆叢爲譚。藪爲書林爲說苑也。請言其詳。當今天下是非無準。妍醜惟好。白可以爲黑。鹿可指爲馬。以破壞爲國是。以守正爲大逆。南方之所苦者。則猾夷亂夏一也。奴婢鴟張二也。拊制輿論不容異已三也。浮氣囂張威毒四射四也。奴外侮弱專橫過於暴君五也。高談放論絲毫無補實際六也。深文周内誣陷人罪七也。拔本塞源毀滅文化八也。奪良民之產以養暴徒附會某種學術以掩其盜匪。

之行九也。專倡邪說以破壞人羣善德根本。剷除我中華五千年來大聖先哲相傳之文化而欲胥人歸於禽獸十也。此皆天下之所共知。百口不能諱也。北方之所苦者。則吏治黑暗一也。驕兵暴酷二也。苛稅繁重三也。萑村滿地四也。居高位者。只知徵歌選舞。以小民之脂膏供酒色之沉溺。庭有久腐之肉。而野有凍死之骨五也。居下位者。日惟哺妻孥。役衣食而猶恐不給。茫然不知國計民生爲何等事六也。賄賂苞苴奔競蜚緣公行無所忌憚七也。巧取豪奪拘捕誅戮惟我之意所可入也。凡此亦皆天下之所共知。百口不能諱也。舉一例餘已足心寒。必欲畢辭恐難罄竹。細民之憔悴於虐政。未有甚於此時者也。公理之鬱而不章。正誼之屈而不信。亦未有甚於今日者也。此皆非貴報之責乎。在昔朝有闕政。則有臺諫。有御史。有骨鯁之蓋臣。有逆鱗之讜論。而今日之中國無有也。旁徵友邦。甲黨在位。則在野之乙黨必盡監督之力。策勵之責。如是互相督策。以維持權勢之均衡。以戢弭非分之妄念。而今日之中國。則同者黨之。

異者伐之。逆我則亡。順我則昌。未聞有以天下國家爲前提。而以摯誠之態。忠婉之言。以正道大義相責難者也。此亦區區私衷之所願望於貴刊者也。而不慮。貴刊之不能。治我望也。故自今以後。願貴刊專論政治。作淨臣。指羣昧。資鑑考。備採納。別黑白。辨是非。郵新報。猶古誼。不願貴刊綴輯補零。供世人玩賞談助消遣之資而已也。區區之意。望將文錄以下各欄。一切去之。通訊中之但作頌語。不關宏旨者。亦略去。不登。而專爲政治之批評。則無論貴刊主張如何。必能成一誼。備一家。縱不能生效於今日。亦必能見容於後世。如船山梨州晚村亭林桴亭舜水諸君子。其當君權囂張之日。而獨倡民治學說。當時何嘗不見排於世人。而二百年後。卒成其素志。如是則視貴刊眞爲今日中流之砥柱矣。今猶未也。詩云。風雨如晦。雞鳴不已。其昌之於貴刊。望之深。故不覺責之切。明知貴刊舊貫相沿。必不能改。而猶言之者。詩所云中心藏之。何日忘之。其昌之不敢不盡忠言於貴刊。亦願貴刊不能不盡忠言於國家也。……吳其昌

華清

大學研究院一月十九日

一二

天下談士。揚吳君之名。諷劍往交者踵相繼。劍爲鈍。未及請。而辱君先施。陳義理。厚督責。如此苦焉。甚矣賢豪間之。賜劍者彌篤。而劍乃日卽下流。不知所自奮也。書中歷指時弊。南北各若干事。則本刊常目所在。惟以今日受言之量。無往不狹。五深。韓非說難之感。君以不能洽望斥之。誠知罪矣。今後勉爲。請得惟力是視。但有一言。還應請君三思者。凡物。善惡量也。多寡數也。如善非。卽多。惡非。卽寡。則數量二者。往往不能相益。今甲寅二十六頁。而不克盡量之能事。卽倍其數至五十二頁。其於量莫爲役也。將毋同。二十六頁中。半數批評政治。而不克盡量之能事。卽全數如是爲之。其於量莫爲役也。亦將毋同。蓋積群。無以爲聰。疊羣。官無以爲明。甲寅僅削去文錄以下各欄。益言政事。恐無自忽。來船山梨洲諸家之目。劍揣吳君相愛過切。相望甚至。又見區區小冊子中。每號可值一讀之文太少。故聊以仲任鑿溝伐薪之義。廣之爾。

衡論

云鑿不休則多深於實似不必然也詩文錄本刊
斧不止則多深於實似不必然也詩文錄本刊
固無之讀者病其乾枯屢請增設此次遂乃剞置
夫文武之道一張一弛儒者之義有藏有息讀本
刊而爲政論學篇所賦偶以小詩短記疏之恍若
厚雖之餘佐以薑鼓未始不爲一適特選材良不
易易爲苦人耳昔劉勰云精義曲隱無傷其正言
微辭婉晦不害其體要劍之設思正復如是即逕
爲君道之諒君達士當不以頑劣見罪然甲寅士
林之公器也如右君說者多有其人謹當從長移
易不肖之見抑何敢執此亦答書本意並爲讀者
陳之士劍

農國

……頃讀何故農村立國並歷觀農國辨諸作覺
先生之所以力主農國者爲重其精神文明故先生
之分辨農國與工國不啻分辨中國與西國工國農
國之爭毋庸謂爲東西文化之爭也然中華立國以
農西洋立國以工中西文化確有難與農工分離者

他無論已若歐人尙勇冒險進取諸精神自古與吾
民異趣從表面觀之似爲其民族固有之特性而無
與於工商者細察之此種特性亦係直接受工商之
影響間接爲環境之產物蓋歐洲海岸線最長交通
便利商務發達甚早因而影響於國民習尙社會組
織及政治經濟諸制也是故謂有歐洲之地勢乃有
歐洲之工商有歐洲之工商乃有歐洲之特殊風俗
民情言之似能成理文化處不加于批評雖然必謂中國
之風土人情民性趨尙盡源於農西洋之風土人情
民性趨尙盡源於工是等謂農業時代之國俗民性
中歐絕無異轍則歐洲之科學將莫由昌明工藝亦
莫由振興至今仍當與我同爲農國矣然事實不爾
也是故中西文化有係農與工之產物者亦有不易
尋其線索者
進所談農國係從物質着眼就經濟立論即求糧食與
而視精神文明爲副產物又進之所謂民情風尙取
鄉間之所共有不分國界而只以別於城市蓋僅分
鄉俗與市俗而不計國俗也進又主取寬大主義重

農而不使與工抵觸。所謂農國者。質言之即農業發達之國家也。其工業如何。未足以影響農國之所以爲農國者。一國之農盛。其工不盛。爲農國。工盛亦爲農國。反之。若其國之農衰。則工盛。不爲農國。工衰亦不得爲農國。工國之所以爲工國。其理亦同。即以其工業之盛。不以其農業之衰。猶之運動員之得名。以其擅運動。非以其不勤學。勤學生之得名。以其勤學。非以其不擅運動。學生可以勤學而兼擅運動。亦可以怠惰而且不擅運動。同理。國家可以農工並興。亦可以農工俱衰。體育教員只知鼓勵運動。不遑問學生之功課。故吾輩亦惟知提倡農業也。鄙見若此。幸先生有以教之。……董時進 北京榮慶胡同六號 一月七日

劍自持農國辨。天下能與詳辯。其是非得失者。殊罕。如董君此論。真乃足音。蹇然。甚盛甚盛。夫農國不應妨工。工國不應妨農。其義劍夙主之。即吾國士農工商四業齊舉一點。證之已足。他無論已。雖然。此中固有不能畔越之界焉。所謂農國不應妨工者。必其工爲農國之工。然後可。若易爲工國之工。則有妨矣。工國不應妨農。其必爲工國之農。不得爲農國之農。於理亦同。如是解釋。國家可以農工並興。一語始不罵題。又有一義。欲爲君明之者。凡一國國是之爲農爲工。其事有緣於物質者。亦有緣於精神者。既緣於物質矣。精神有所準據。益見固植。自邏輯必然之序。馬克思之唯物史觀。於此信不爲誣。惟自始如何。因應物質。使於水性。無分東西之時。毅然劃流而趨。卒成巨浸者。非有先見獨到之精神。以爲之基。亦莫爲功。此其精神。即君所云線索。不易尋者是也。歐洲之科學昌明。工藝因而振興。吾國之科學不昌明。工藝因而不振興。分野釐然。即此之精神。有所異。故副產物云云。君殆僅語其表。而未語其裏也。歟。此理君更思之。如嫌未安。請得進論。 士劍

誠與識

……甲寅續刊。拜讀一過。詞辯之妙。無可復加。時評偉論。直追過秦。非先生焉克有此。孫少元錢子泉

爾君通訊。所論誠識與寧靜。直言忠諫。如見其人。風義若此。至深嘉佩。先生聞之而喜。不以爲過。友道因之愈彰。尤士林佳話也。元羣不敏。竊思推廣其言。就正高明。以爲何如。蓋聞誠可格天。誠之爲義大矣。文字出於至誠。可以泣鬼神。可以感衆類。子美之詩。昌黎之文。是已。若夫子雲。文非有遜二公。誠不及耳。反離騷則不免矯情異俗。劇秦美新則不免同流合污。文可煥世。其人不足重矣。非誠與不誠之較歟。又若國武子之多言。鼂錯之好事。意非不誠也。乃同以誠而見殺。誠固不可盡信歟。抑誠與識有所偏廢歟。當言而不言。是不誠也。不當言而言。是無識也。當言而識。言之謂之誠。言之而無益。則止。謂之識。諺云。識時務者爲俊傑。彼國武子鼂錯者。蓋不識時務耳。雖然。文人結習難除。胸中有言。正如箭在弦上。不得不發。下筆之間。得兼誠與識者。有幾人哉。是不難也。亦有養而已矣。武侯有言。淡泊以明志。寧靜以致遠。淡泊者。對內言養也。寧靜者。對外言養也。淡泊則不患無誠。故能明志。寧靜則不患無識。故能致遠。得一養字。

功。夫則誠識庶幾俱備乎。孟子曰。吾善養吾浩然之氣。其爲氣也。至大至剛。驟然遇之。王公失其貴。賁勇失其勇。又曰。貧賤不能移。富貴不能淫。威武不能屈。孟子之奇文雄辯。亦不外養之深耳。卒至其人可爲百世師。其言可爲後世法。誰敢加以求全之毀。誰得加以不測之禍哉。元羣總角讀書。卽服膺孟子養氣之說。然未能得其萬一。旣長。復名敝廬曰養浩。誌不忘也。茲欲以已之所好。施之於人。而期人之能盡得養氣之道耳。或不背先聖所謂恕乎。野人獻曝之忱。幸先生憫其愚。並有以教之。……張元羣

北京府學
一月四日

胡同五號

偶閱船山史論。有曰。未忘故主。而匿情委曲。以避患。謝靈運之所以身死而名辱。本自江海人忠義感。君子孰聽之哉。靈運蓋卽誠與識兩失之者也。正深翫味。而張君書在案頭。竊來已久。適爲叢書所刊。頃始發見。旣感老子常善救人之德。尤欣孔氏德必有鄰之驗。以劍不才。不審能自刻勵。得副嘉訓於百一否耳。

士劍

煙士披里純

……在京會通書柬。不得復音。過津造訪德義樓。乃知已遷新居。匆匆未及走謁。南來已及二月。熱居自娛。稍親書卷。更不省世變。頃得夢旦先生書。悉雲麾碑又幾遭灾厄。幸未傷失。今已歸林氏庋藏。永荷厚惠矣。此冊疊經波折。令人生感。足下何不即開紀述其事以跋之。當益增此拓身價也。甲寅又蹶起。毅勇可佩。想必有新來。煙士披里純。亟盼拜觀……徐

志摩 浙江硤石鎮
十二月十六日

當世。慧業文人。如志摩者。吾見極罕。乃不惜濫用其慧。以逐時好。使吾青年志業。蒙一大損。世深惜之。前歲志摩刻已作白話詩一集。戒林宗孟勿與劍觀。今寄劍小札。亦頗存尺牘體態。可見志摩所趨一途。並非出於自然。劍恒欲爲志摩道述此意。良不得當。本束來甚久。已數數讀之。每讀俱欲作復。提筆又輒罷去。意與志摩言者。有無數義。今卒寫出。仍無過如此。幾行甚矣。文字之拙。殊未足當。

傳達思想之良器也。君地有江山之勝。而志摩復擁美人以資點綴。巢民水繪。何容專美如此。而親書卷。當有異味。他日幸以所親何等說來。雲麾碑遭厄事。固得夢旦書。甚語其詳。劍亦有意撰成一跋。紀其曲折。而劍書案如雞窠。籍札凌亂。覓此失彼。所關各函。無自輻湊一處。因文材不足。遂乃暫廢。不爲此爲志摩道之。應發一笑。且視此種。卽是煙士披里純。未

士劍

便佳移雜鈔

……下走以聾自廢。久絕干謁。客冬辱承拂拭。僕雖非舞鶴。奈前途不好真龍。虛負青垂。久鐫丹版。拙編便佳移雜鈔初稿十八卷。續增爲二十卷。今又補二卷。中有極可珍之稿。乃敵友近著。一記戊戌政變。二記庚子拳亂。三記沈北山慘獄。此君戊年幾罹黨禍。庚年家爲拳毀。北山爲其業師。故所記較翔實可信也。京中捧坤伶之風。實自樊易羅三人倡之。拙編載彼等詩詞甚多。又梅伶三十生日。貴冑達官登堂。

者之姓名及詩聯稱謂均一一備載譬之照妖鏡。若輩無遁形矣。他如忠孝節義之事略。古蹟之興廢。人物藝術之評騭。詩文詞賦之有關係者。下及小品文字。事實與詞藻並重。非敢謂隱持風氣。亦聊寓微尚。所作云爾。今全書校勘已畢。敬乞賜以弁言。忝附神交。諒荷台允。此函由門人張庸廬面呈。如蒙惠稿。請交庸廬可也。……沈宗畸

北京番禺新館

曩翔甲寅於東京。曾登黃遠庸絕筆一通。沈君南野抑又其亞。蓋劍得此函。不十日而沈君即化去。劍曾及其未死。以一律題其所著雜鈔云。小說詩家。沈亞之一編。隱隱重當時。花生自古傳江筆。博散何嫌步鄭絲。世士自同丘。蠲賤吾懷祇訴蠹。魚知尺書無限依依意。爾我交期視此詞。此詩南野幸猶及。見有書來謝。然雜鈔實未甚善之以立格。低而選事復不愼也。獨文人窮而著書謀博升斗之資。以裕其殘年。劍焉敢過持刻覈之論。而今其人往矣。竊忽之間。各爲異物。未來事之未易度得如此。理君還札爲之憮然。士劍

約翰大學

……自南方教育黨化。教會學校迫而停辦者。日有所聞。其苟延殘喘者。亦惴惴不安。民國十六年來。禍亂相循。國家教育幾瀕破產。而少數青年尙得致力乎學問者。私立與教會所立學校之功也。一旦廢而去之。其幸乎。其不幸乎。夫教育權之收回。理也。宜也。外人雖固執。未嘗敢抗也。然收之必有道。不必迫之挾之。盡使其閉門而後已也。日本之於教會學校。也不惟不去之。而又利用之。朝野上下。未聞有怨言。蓋制之馭之自有道耳。茲是之不察。而曰必盡捨爾所爲而從我。使國中數十萬青年。徬徨歧路。無所依歸。誠可痛也。誠可痛也。即以約翰而言。五十年來。慘淡經營。現有校地三百餘畝。廣廈數十座。藏書數萬卷。計估價二百餘萬金。規制學程。尤爲嚴重。時在今日。頗難得也。十三年秋。齊盧酣戰。校旁而絃誦未輟。今日亦不得不提前放假矣。明年如何。猶未可知。惜哉惜哉。……王德鈞

上海約翰大學
一月十二日

此。今。日。應。有。不。平。之。聲。也。憂。時。之。士。其。詳。察。焉。

士釗

讀甲寅難

……甲寅既以開發天下思辨之量自任。發願至宏。經濟一方。植基宜固。贈閱辦法。施者傷惠。受者傷廉。萬不能久。至於隨意寄附。則或寄一元。或寄百元。如寄一元。贈報一分。寄百元。須贈百分。所入尙不足供印資。何能維持命脉。如以寄附之多寡。定贈報之量與時。則猶是交易之道耳。寄附云乎哉。國中人士愛讀甲寅者。不僅僕一人。愛讀甲寅而無力寄附。不願長期受贈者。恐亦不僅僕一人。爲甲寅計。與其仰讀者之厚貺。曷若謀自身之廉價。三十八號董雪帆君所建僉印報紙價格減少一議。實爲至當不易之論。先生復書云。去歲曾試行之而敗。迄今未敢輕試。不知彼時報紙。祇印半數。別有所謂善本者在。若舍報紙無善本。不購何待。愛讀甲寅者。愛其文字也。非愛其紙張也。如今日所定價目。五十二本簿冊子。歲

需七元八角。而郵費不與焉。在國內定期刊物中。實爲空前之昂。價必致購者寡。而索者多。不及一稔。則又輟矣。不知先生會計及之否。……錢履周一

月北門
二十一日

甚矣。社會組織之不易倡也。七元八角之價。誠哉其昂。然本刊固不強人必納。蓋必付價矣。何人視何數於彼相宜者。即付何數可也。彼報紙本固自有價。以報紙本價而易得。較善本而退。其不足部分。本刊可得。取盈於他力裕之。讀者以彌之焉。果亦何傷天地之和哉。至以無故受惠爲嫌。則昔聞不能以貲助人者。以力如陳平之先。往後罷是也。今甲寅所須於天下之力者。至無限。大抵一人介得讀者一人。其值已償。二人則且償之有餘。又何必斤斤與本刊計爾。我施受哉。夫人寄一元。本刊當寄報一分。若寄百元。其人讀報之量。將不相與爲增。亦仍寄報一分而已。何百分之有。蓋本刊受同志者之惠。未自以爲傷廉。同時即讀者偶受本刊之惠。誰得以傷廉二字嫁之。今之問題亦在遵

何。道。而。得。使。甲。寅。配。布。社。會。如。量。爾。不。論。撰。者。讀。者。只。須。於。甲。寅。有。深。刻。之。同。情。心。囊。橐。稍。稍。相。互。出。入。直。應。行。所。無。事。惠。云。平。哉。錢。君。云。發。願。至。宏。植。基。宜。固。須。知。此。宏。此。固。其。中。殆。無。因。果。相。生。之。連。誼。今。之。酌。量。贈。閱。之。組。織。劍。蓋。從。甘。苦。中。來。意。

欲。充。類。利。用。社。會。間。成。美。善。善。之。總。量。而。冀。幸。其。不。敗。君。顧。輕。輕。以。何。不。食。肉。糜。一。語。了。之。何。其。料。天。下。事。爾。易。哉。然。君。固。是。今。日。最。有。心。之。一。人。也。其。意。劍。深。感。之。矣。士。劍。

太炎集外文

庚子拳變與粵督書

章炳麟

迺者讀公諭粵中士民書。自以八十衰翁。不惜糜頂。壯哉言乎。北方糜爛且兩月。奸回倒柄。疆敵乘間。肆起畿甸。波及東南。某等所望於公者。則明絕僞詔。更建政府。養賢致民。以全半壁。不備以奮蹈危難期也。何者。近畿兵狀。官匪環擊。勢不可理。列強以剿匪爲名。而不明言宣戰。然僞政府則既宣戰矣。疆臣外憚列強。內憚政府。遷延兩可。持重不斷。自公電咨羣帥。謂五月二十五日以後之詔。不當遵奉。然後羣帥內

有所恃。始立保護長江之約。然於政府。則隱拒而非明絕。於列強。則私約而非公盟。西鄰責言。禍且未艾。江南李鹿二帥。復以勤王北上。勤王者。則汗漫兼容之辭耳。剿匪者。得舉是以爲號。助匪者。亦得舉是以爲號。二帥之名曰勤王。其實助匪也。同列不沮。岷帥且授之士卒。何能取信於外人耶。神京既陷。兵禍必及於東南。故吳淞礮臺之修。港督已沮其增繕。是知列強特與南方委蛇。而其心已陰有所忌矣。以此儉

安。葉相。國。之。禍。方。在。羣。帥。且。僞。詔。已。宣。言。撻。伐。而。疆。臣。猶。與。列。強。交。通。此。政。府。之。所。謂。方。命。也。訶。問。罷。黜。計。不。旋。踵。今。日。宣。戰。之。詔。可。隱。拒。矣。他。日。罷。黜。之。詔。能。拒。之。乎。夫。羣。帥。所。憚。於。列。強。與。政。府。者。其。賢。者。爲。民。命。不。肖。者。卽。爲。爵。位。要。領。焉。耳。今。擬。爲。兩。可。之。謀。而。爵。位。要。領。卒。不。可。保。外。有。責。言。進。退。罪。也。內。有。譴。訶。始。終。罪。也。二。者。皆。窮。孰。與。明。絕。政。府。而。示。列。強。以。藩。鎮。之。可。恃。乎。雖。然。迹。諸。帥。所。以。環。視。無。敢。以。更。建。政。府。唱。者。亦。以。分。職。相。等。莫。適。爲。主。也。今。公。處。元。輔。之。重。當。分。陝。之。任。勳。藏。於。天。府。信。聞。於。四。裔。於。位。則。宜。於。望。則。宜。公。若。先。發。羣。帥。孰。不。翕。然。應。者。或。以。半。壁。之。計。形。勢。無。先。於。兩。江。此。言。地。利。則。然。然。民。氣。選。悞。人。無。固。植。其。商。賈。又。恠。嗇。不。知。大。計。人。荒。財。匱。不。可。與。立。粵。中。昔。多。志。士。復。饒。財。賦。統。稻。蒲。魚。銀。銅。果。布。之。美。輻。湊。於。南。海。富。人。多。任。俠。輕。利。越。海。得。南。洋。諸。島。可。倚。以。爲。外。府。此。其。勢。則。優。於。兩。江。灼。灼。矣。聞。公。已。建。置。議。院。募。練。材。技。毀。家。紆。難。以。爲。民。倡。四。方。喁。喁。莫。不。延。頸。歸。德。今。若。絕。詔。建。府。以。紆。近。禍。延。

擢材駿。以爲後圖。其勢宜可以不敗。又戊戌之獄。逐臣廢官。逃難海外。至不可計。其人大率銳敏軼材之士也。方時無故。尙將澡濯而用之。今禍變已亟。必當開釋禁網。引與立功。賢材衆多。則布之湘鄂江皖閩浙諸幕府。使藩鎮輯協。若肩臂脛踵之相使。則政何爲而不理。民何爲而不附。又是屬多與南洋諸商深相約結。得其人則度支所出。餉餽所轉。抑可以有資矣。語曰。日中必昃。操刀必割。今乘北禍未已。中外相拏。歐美日本之兵。尙綴於黃海。猶得春容措置。以爲南人遺種之計。失此。不爲恐他日之粵海亦猶今之津沽也。藉令無此。外人折骨。認血。以靖大寇。而使吾族得因其成。以自立乎。曩者公在北洋。規建新法。天下想望。徒以位非樞府。不得變置大政。今事機既迫。鈞石之重。集於一人。想遠猶閔略。籌之已夙。某等鄙淺。誠不足裨補萬一。儼以是爲市人之臚言耶。抵冒威嚴。不任主臣屏營之至。

案庚子先生主先外舅北山樓。此篇手稿。近從殘書中理出。史材手迹。兩俱可寶。士釗謹識

詩

錄

東坡生日侗伯召集寒碧紗分均得遊字

蘇戡

寒碧紗中降蘇日。郭君置酒集名流。斯人已若鶴孤。
往。千載何殊貉一丘。鉤黨莫談元祐政。清吟聊比月。
泉。遊。蘇齋卷裏衣冠客。誰信新亭似楚囚。

前題分均得孤字

張庵

天窮人厄總區區。元祐熙豐俯仰殊。海外負瓢猶自。
適。江。千吹笛固多娛。命宮例得牛箕謗。春夢羸成笠。
屐。圖。若較陸張文。謝輩先生生世未。睽孤。

逸公歲暮薄游海濱賦此奉東

續蘅

衝寒小作看山行。姓字真防估客驚。萬事無如求野。
獲。一。年。強。半。與。鷗。盟。儘。收。冰。雪。供。詩。料。且。伴。漁。樵。話。
耦耕。別有江湖憂樂意。看人簫鼓競春城。

歲暮

樊山

歲暮。天荒地冷時。杜門老子尙兒嬉。筆乾幸得碑銘。

潤。裘典差價酒藥費。梅有精神多爲雪。茶因清苦最。
宜。詩。作金未得王陽術。奢與廉兼亦大奇。

七世將家三楚少。獨余投老戀青氈。墨梅落瓣圖三。
九。竹葉消寒斗十千。鶉鴿青添煨芋火。羊羔美入羹。
茶。天不當更作劉郎會。走馬朱樓門管絃。

時時相顧拂箏絃。萬炬紅蓮雪霽天。雀躍經從佳客。
召。龍鍾偏得美人憐。紫裘橫笛坡生日。玉殿垂楊絡。
往。年。也。識。洛。陽。春。色。麗。有。花。無。葉。不。成。妍。

三朝看雪捲珠簾。雪後奇寒一倍添。瑞葉彌天催白。
戰。梨。花。滿。地。覓。青。帘。打。門。鹽。米。無。多。債。媚。竈。糖。瓜。滿。
意。甜。十。二。月。中。今。月。好。牀。頭。夜。夜。見。銀。蟾。

遼東雜詩

逸塘

頻年碣石耽消夏。此日遼東學避寒。烏帽那堪人海。
鬧。炎。涼。忘。却。本。來。難。

客館驚心報小年。數聲爆竹靜中喧。兒時况味垂垂。

盡。賸。有。心。香。未。了。緣。祀電夕大連客館中靜坐

塵襟乍滌倦懷開。信宿淹留儘快哉。海上石礁莫相

笑。此行不爲買山來。黑石礁爲星浦濱名勝處

嵐光雪色淡交加。似與行人鬢髮華。我亦山靈慚久

別。十年遼左欠停車。余自觀戰經由東省回國後十年不乘南滿車矣

次均答海藏樓主

繅蘭

巖樓何地覓王宮。如此神州袖手難。出岫當爲天下

雨。垂緇偏耐渭濱寒。行藏幾輩知孤尚。哀樂中年有

萬端。珠氣瑤光甘自悶。世人早作一星看。

吳母六十壽記與北山先生盛年遊宴及弱男

夫人東瀛過從之雅感懷成詩 任公

客中問字憶初笄。耳熟慈徽廿載齊。萬卷果能傳蔡

女。五噫當日重鴻妻。干霄氣概人如接。去國光陰夢

欲迷。我爲謝庭徵往事。椒花壽酒喜同携。

次海藏先生韻

孤桐

爲貧可笑是謀官。生業翻緣貴後難。地有滄浪忘所

濯。世無松柏莫言寒。消愁近覺詩差勝。負累羞稱友

不端。繚馬海藏樓下去。叩來欲作帝閭看。

讀孤桐自辨文有感奉寄

君浩

蕙苴騰訛撼伏波。飢鴟遙嚇意云何。果真盜嫂寧糠

覈。未欲從君託網羅。墨近不緇非足訝。室虛生白已

曾多。請看凋到嚴霜節。可尙長松醫女蘿。

惆悵

醇士

惆悵紅樓隔雨望。春江艤棹意多傷。管絃泣剩飄流

夢。欄檻愁通婉轉腸。陌上花開歌緩緩。橋邊佩過響

鏘。鏘。承平事往歡。悵。減。悵。絕。扁舟載杜郎。

城南

醇士

上苑鐘聲接暝荒。高樓孤迥倚殘陽。箏絲罷唱層臺

岫。車影翩行復道長。玉璫傾愁渾未盡。金槃貯淚已

難量。眼中容易年年換。祇有城南樹鬱蒼。

雙栝行 有序

和鈞

雙栝行。爲故司寇林公宗孟作也。司寇以議郎入

樞席。輒掌政要。嘗於雪池廡中。栽雙栝自榜其廬。

乙丑十月。京中政變亟。樞府要人白晝被劫入軍

獄者相繼。其罪跡莫由明也。時公祭酒國憲欲引

疾去。奉天軍長郭松齡者。方回軍指瀋陽。雅重公

名。安事專逝。情意迫切。至於再三。公卒爲所動。乃
于是月望日夜半行。師過錦州白旗堡。每戰輒克。
去瀋陽僅二站。爲日兵所扼。不得達。遂以間騎趨
小蘇家屯。忽爲黑龍江軍所敗。郭旣被執。公亦葬
亂軍中。其僕王明殉焉。時十一月九日也。逾月從
公行者遁歸。其家人始得實其遇害狀。余旣以丙
寅元旦。偕公弟天民至大連歸其骨。因長歌哀之。
黃沙。遮。地。白。日。黑。熾。火。無。溫。羣。動。匿。夜。半。城。西。忽。相。
語。樓。頭。雙。括。聲。聲。急。急。聲。淒。怨。走。神。鬼。四。野。沈。愁。鮫
雨。泣。自。言。生。植。不。記。年。南。郭。移。栽。傍。前。宅。剪。伐。未。遭
世。斧。斤。灌。春。親。承。主。恩。澤。主。人。才。高。好。儀。宇。手。抱。美。
人。意。龍。虎。常。揮。寸。筆。破。千。軍。每。挹。雄。談。傾。衆。吐。典。章
文。物。出。袖。襟。將。相。侯。王。斥。簿。鹵。此。時。吾。括。亦。有。神。怒
榦。虬。枝。處。處。春。乳。燕。疑。巢。嬌。弄。舌。玉。驄。繫。汗。細。吹。脣
涵。收。霜。氣。化。白。練。深。宵。燐。燿。落。星。辰。東。南。動。地。驚。聲

鼓。金。吾。夜。禁。遲。歌。舞。急。詔。難。催。細。柳。營。蔓。抄。欲。獵。上
林。圃。朝。衣。鉄。索。鎖。郎。當。七。貴。三。公。賤。如。土。可。憐。溫。室
事。難。言。脉。脉。心。頭。寄。雞。樹。關。外。忽。傳。佛。肸。使。蠟。封。急
足。走。千。里。回。戈。本。爲。民。罷。瘵。讓。政。誓。從。公。鞭。弭。巾。車
羽。幣。日。數。馳。公。今。不。出。蒼。生。死。主。人。對。客。初。沈。吟。中
夜。推。几。忽。長。吁。自。古。陪。臣。叛。大。夫。春。秋。義。戰。今。有。無
男。兒。得。意。黃。龍。屠。苟。紆。民。力。皆。吾。徒。短。衣。縛。袴。夜。轅
門。刁。斗。無。聲。月。色。昏。萬。騎。垂。看。易。漢。幟。二。蟠。遺。恨。失
蘇。屯。鳴。髀。擲。幘。氣。如。吼。天。心。未。厭。吾。何。有。免。胄。不。歸
先。軫。元。結。纓。猶。識。仲。由。守。荒。村。火。燒。天。欲。赤。絕。世。才
華。血。凝。碧。淺。塚。原。頭。野。祭。魂。深。閨。夢。裏。未。歸。客。鑣。廳
秋。冷。射。堂。虛。斜。巷。蒼。涼。蒿。滿。目。雲。樹。不。堪。掛。紙。錢。霜
濤。只。當。陪。家。哭。嗚。呼。坎。壈。由。來。爲。盛。名。百。年。樹。人。十
年。木。樹。猶。如。此。人。奈。何。忠。義。獨。憶。王。家。僕。一。夕。枝。頭
無。限。哀。明。朝。新。主。買。新。屋。

章氏墨學

「經」仁義之爲外內也。病。病舊作內係校改非字亦通但伍非百謂形近

病而誤說較勝說在仵顏

「說一仁、仁、愛也。義、利也。愛利此也。所愛利彼也。愛利不相爲內外。所愛利亦不相爲內外。其謂舊作爲爲仁內也。義外也。舉愛與所利也是狂舉也。若左目出右目入。

此駁告子仁內義外之說也。告子亦當時名家。其說與墨家兼愛之旨有妨。故駁之。蓋兼相愛。交相利。云有墨子之根本大義也。其言愛利並舉。即愛即利。二者並無所偏重。如告子義外之論。則內外有限利將不足以詮愛而兼愛之意荒矣。此墨家之所必不許也。故經與說如此。仵顏者。謂於生理有違也。此與說中左目右目相照言之。目存於面。故曰仵顏。諸家動稱顏字有誤。始未思耳。說話意極明。無待詮釋。其謂仁內也。義外也。之其字。即指告子之徒。夫心理與生理有甚相似處。仁義之爲用。各自有其內外。猶左右目之爲視。各自有其出

人也。今並愛與所利爲一詞。恍若仁不能有外。義不能有內。是猶以左目出右目入相提而論。恍若左目不能入右目不能出者也。如後者在生理爲無不能。有入右目不能出者。是境。即知前者在心理亦無是境。後者號曰仵顏。前者宜號曰仵心。官是非狂舉而何。作者又諸家習用馳辯之名也。莊子天下篇所謂奇偶不仵之詞。由此類推。

「經」惟吾謂非名也。則不可說在彼。舊作彼改彼字與說中彼

字相應何等親切故決其誤

「說一惟」謂是霍可。而猶之非乎霍也。不可謂彼是是也。謂者毋唯乎其謂。彼猶唯乎其謂。則吾謂行。行上舊衍一不字文義正負變畢結論不能皆負故不爲衍字甚明

此明墨家爭彼。爭彼也。辯之義。歐幾里得公論曰。設有多度。彼此俱與他等。則彼此自相等。語依徐譯墨家之彼。即幾何之他也。公孫龍子名者經「他」較量之名。立敵所共許也。凡物若惟吾謂爲如是而未叶于爭。彼所得之稱。則不可。故曰說在彼。

孤桐雜記

張岱杉爲詩。恒有驚才絕艷之作。近見其靜坐一首。云。靜坐人語寂。悠然百感生。夜長防夢短。屋小喜燈明。隔樹月無色。四山秋有聲。胡笳一何苦。嗚咽上高城。又所謂。穆然清風發。在簡素。與其生活昏濁狀況。殊不之應。不圖心迹相違。竟乃如此。

有焦山字仙石。愚未識其人。以書抵愚。稱其友余念宸。字蘭坡。別號雁門病俠。江蘇贛榆縣人。少有文名。尤工詩。清季憤國家多故。則從軍。革命後充南京第三師十二團連長。會徐州有匪變。君奉檄往剿。死焉。志行足稱。詩近體亦彌可誦。聽其湮沒。乃後死者之咎云云。詩冊置愚篋衍。播越數省。時經數年。幸未失去。潛德幽光。終於闡發。或乃冥冥中有相之者也。感懷云。引盃看劍氣。嶙嶙欲請長纓恨。未曾報國忍拋無益淚。論交新得忘年朋。身經患難無病。詩到窮

愁卽上乘。衣櫛蕭條關塞遠。十年孤負讀書燈。送焦仙石入都云。焦桐入爨鮮知音。愁聽陽關一曲琴。亂世逢人多白眼。少年累我是青衿。空彈舊雨飄零淚。難辨閒雲去住心。天動秋風人動別。哀蟬何事苦高吟。贈前人云。送客幽燕去。空江落晚潮。交游憐我拙。貧賤逼人驕。六幅帆無恙。萬重山豈遙。長安秋氣肅。還仗酒頻澆。又云。易水蕭蕭動客悲。他無所恨識君遲。嵇生結習原疏懶。山簡何辜值亂離。幾疊征衫慈母綫。一持團扇故人詩。何時車笠重相見。認取霜痕上鬢絲。

歐洲大都會市街上。有摩托車。供人登用。行路若干。需車費幾許。車箱前有米達續續記出。機械自然。數目字似里數多寡而變。歐語名此車曰太克西。按吾國夙有記里車制。唐大觀中內侍吳德仁所獻。車獨

轆雙輪。上爲兩重。刻木人手執木槌。輪一周行地三
步。其中平輪轉一周。車行一里。下一層木人擊鼓。上
平輪轉一周。車行十里。上一層木人擊鼓。凡用大小
輪。八合三百八十五齒。遞相鈎鎖。犬牙相制。周而復
始。有周專聖卮論此卷五信巧物也。柳州所賦之記里鼓。卽
是此物。其中機括。必與今之太克西大同小異。吾非
工。國不尙伎巧。有此精思。奇構亦等於曇花一見。此
農國精神之特徵也。或乃因而自薄陋已。

光緒乙未丙申間。元和江標督學湘中。爲文鰲博士
風大變。已選刻時文數十首。號通雅集。以示之範。如
江氏兄弟。江衡江標蔡元培。凌師皋之文咸在。而師
皋。今天下。車同軌。書同文。一篇尤恢詭。有曰。鄂羅斯
之文。必不同唐古特之文。唐古特之文。又不同歐羅
巴之文。又曰。電鐘鳴而其應如響。電機動則其語卽
傳。雖在普國奧國之文。孰不通其意乎。此類支離之
詞。當時讀者咸舌橋不下。近言仲遠敦源贈愚所印
越縵堂時文書札一冊。凌文猶附綴於後。足見爲人

推重之至。在上海曾見建霞所輯靈鷲閣叢書。湘生
時藝如曹典球之生之謂性題文。並收存之。通篇以
墨子尙同之義。強相傳會。令人一讀。一汗。當年風氣
之狂可想。然此公宏獎風流。愛才如命。其精神固不
可沒也。

梅伯言謂舒伯魯所爲詩文。皆出之太易。凡詩閱一
二字而可意得其全句者。非佳詩也。文氣貴直。而其
體貴屈。不直則無以達其機。不屈則無以達其情。爲
文詞者達而已矣。的是名論。

吾家實齋。會上錢辛楣書云。『世俗風尙。必有所偏。
達人顯貴之所主持。聰明才雋之所奔赴。其中流弊。
必不在小。載筆之士。不思救挽。無爲貴著述矣。苟欲
有所救挽。則必逆於時趨。時趨可畏。甚於刑曹之法。
令也。』實齋猶未見今日輿論專制之相。言已如此。
設其見之。必且抱書竄去。噤不敢聲。吾儕快讀之文
史通義。或竟無之。

● 例 字 鬻 弟 兄 氏 章 沙 長 ●

家兄仲漁先生名理綸隱於史書宗鍾王工力極厚劍歎勿及茲以劍鬻字續辦甲寅周刊有志相助因合訂字例於左 篇好之士以覽觀焉 章士釗謹啓

對聯 八尺(八元)七尺(七元)六尺(六元)五尺(五元)四尺(四元)三尺(三元)二尺(二元)一尺(一元)

屏條 八尺(七元)七尺(六元)六尺(五元)五尺(四元)四尺(三元)三尺(二元)二尺(一元)一尺(五角)

堂幅 八尺(十元)七尺(九元)六尺(八元)五尺(七元)四尺(六元)三尺(五元)二尺(四元)一尺(三元)

元幅 四尺(六元)三尺(五元)二尺(四元)一尺(三元)

四尺(六元)三尺(五元)二尺(四元)一尺(三元)

以下指書三分以內小行楷照加一倍

橫幅 整紙照堂幅價 半幅照屏價

筆幅 一面(二元)半面(一元)兩面(五元)坤扇全金

地不書 與筆扇同

團扇 黑油扇書泥金照筆扇加半倍泥金自備

杭扇 直橫匾額等類

榜書 一尺內每字(二元)一尺至一尺五寸每字(四元)一尺五寸至二尺每字(七元)二尺外每字(九元)

壽屏 四幅(二十二元)八幅(六十四元)十二幅(九十六元)十六幅(一百二十八元)每幅以五行爲度

冊頁 每冊(三元)三四分以內小行楷照加半倍

斗方 與冊頁同

鎮尺 等類書七絕句一首(三元)扇骨加半倍

墨盒 每個(二元)小戳不書

名戳 每個(二元)小戳不書

卷冊 題簽 每件(一元五角)

以上各件如須仲漁行嚴兩入合作取價均同

行嚴鬻文另議書件指錄已作者照加半倍

潤價先付定期取件凡閱甲寅者照七折收劣紙不書綾絹加半

版權所有 不准翻印

編輯者 章 清 吾

總發行所 甲寅周刊社

印刷所 光華印刷公司

天津特別一區大沽路
電話南局一三二九號

改訂價目			
零售	每月	每四期	每六期
大洋	大洋	大洋	大洋
一角五分	六元	三元九角	八元八角

郵費	
本國及日本	每期四分
外國	每期四分

廣告價目			
地位	面積全	面半	面四分之一面八分之一面
封皮裡面	四十元	二十元	十元
底頁外面	同上	同上	同上
正文	後二十元	十元	五元
此表係每一期價目登四期以上九折十三期以上八五折半年以上八折全年以上七五折插圖另議			

大陸銀行

資本金五百萬元

公積金一百三十萬元

總行天津分支行北京上海南京蘇州北京清華園漢口濟南青島滕縣天津大胡同其他國內各大商埠及英國倫敦法國巴黎德國漢堡美國紐約日本東京橫濱神戶長崎等處均有特約代理機關一律通匯並與鹽業金城中南銀行於天津上海漢口等處合設準備庫及儲蓄會

保管部

公債公司債股票商業票據及其他有價證券之保管並代取本息或買賣或承募出租鋼製保管箱
營業部 存款放款 國內國外匯兌 扣匯 貼現代理 收付款項及生金銀之買賣

儲蓄部

活期儲蓄定期儲蓄
天津總行法租界三號路六號路轉角

交通銀行

本行創設於前清光緒三十四年股本總額二千萬元專辦存款放款匯款貼現及外國匯款等業務並奉政府特許代理國庫發行天津鈔票及各省商埠均有分行或通匯機關如蒙惠顧無任歡迎

行址 法界一號路

電話

經理室 一八零零
營業室 一八二零

電報掛號

六六三九

協理

梁士詒 盧學溥

天津分行

經理 江世德
副經理 王徵
襄理 蘇恩科

中興煤礦公司廣告

路工廠一切機器鍋爐之用是以津浦滬甯隴海滬杭各大綫路常年購用同聲贊許他若山東境內暨運河長江一帶各工廠亦均紛訂購如蒙賜顧請就近向左列本公司各分廠各分銷處接洽辦理無任歡迎

(分廠)

上海 蘇州 無錫 常州 南京 鎮江 南通州 清江 界首 馬頭 臨城 嶧

(分銷處)

日本 大連 烏衣 滁州 臨淮 宿遷關 蚌埠 固鎮 南宿州 符離集 夾
溝州府 韓莊 官橋 南沙河 滕縣 界河 兩下店 鄒縣 兗州府 濟甯
州 曲阜 泰安府 萬德 黨家莊 濟南府 樂口 桑梓店 晏城 禹城縣 平
原縣 黃河涯 德州 桑園 連鎮 東光縣 泊頭 滄州 興濟 唐官屯 獨流
天津 杭州 海州